



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ars Bonæ Mortis. Sive: Quotidiana Erga Sanctissimam Dei Matrem Mariam Pietas

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, [ca. 1708]

VIII. Maji.

[urn:nbn:de:hbz:466:1-50961](https://nbn-resolving.org/urn:nbn:de:hbz:466:1-50961)

S. Leontius Abbas ad Mariani altaris pedem stipem deponebat, ut eam Pauperes fortè eò delapsi videntes tollerent; idque eo consilio, ut omnes intelligant non à se stipem offerri, sed à Dei Matre, cui ille operis sic operá 30. annis commodavit. Bis & in Virginem & in pauperes beneficus. *Ex praxo spirit. c. 63.* Satis nota est pietas, quæ Mariæ innotescit.

O S. Leonti, qui tantam in pauperes misericordiam ostendisti, miserere quòque spiritualis meæ egestatis, quâ virtutum omnium, verique Spiritûs inops ad te clamo, ut mihi stipis locò benedictionem à Virgine impetres benedicta inter mulieres. O Sanctissima Dei, & mea, Mater pretiosissima! ego N. indignissimus filius tuus ex toto corde, omnibusque tam corporis, quàm animæ viribus centies millies, imò infinities te saluto: te omni possibili omnium possibilium & actualium creaturarum &c. f. 2.

Ad quod impetrandum: S. Leontium hodie imitaturus, eo ritu aliquid incognitus pauperi erogabo.

O Virgo Sanctissima supernè nos respice, esto propitia, & ad thronum Judicis adductos in exultatione nos colloca, quæ est ad Filii tui dexteram? *S. Basil. or. 39. de Annunc.*

Quæstio: Utrùm B. Virginis cultum & pulchritudinem intuiti, fuerint ad amorem castitatis permoti. v. *S. Bonav. in 3. q. 7.*